

TONG yulduzi

www.tongyulduzi.uz

Vatan yagonadir,
Vatan bittadir!

2011-YIL
12-DEKABR
N:50
(66851)

ISSN – 2010-6092

Gazeta 1929-yil 1-avgustdan chiqqan boshlagan

O'zbekiston Respublikasi bolalar va o'smirlar gazetasi

2012-yil – Mustahkam oila yili

Mening ismim Mirkomil,
Olti yoshga to'lamen.
Katta bo'lsam, albatta,
Yurt posboni bo'lamen!

Yakkasaroy tumanidagi 160-ixtisoslashtirilgan
Davlat umumta'lim maktabida
O'zbekiston Respublikasi Davlat madhiyasi
qabul qilingan kun keng tantana qilindi.

Davomiy 2 betda

(Boshi 1-betda)

KONSTITUTSIYAMIZ O'N TO'QQIZ YOSHDA!



Nigora Boymo'minova eng yaqin do'sti — kitob.

Poytaxtimizdagi talaygina maktablarda ham O'zbekiston Respublikasi Konstitutsiyasi hamda Davlat madhiyasi qabul qilingan kunga bag'ishlangan bayram tadbirlari bo'lib o'tdi.

o'quvchilaridan biri. A'lo o'qish bilan birga, bo'sh vaqlarini unumli o'tkazishga harakat qilyapti. Ingliz tilini puxta o'rganishga, shaxmat to'garagiga qatnashga ham vaqt topyapti.

chaniy dilini yayratdi. Chunki uning quvnoq raqslarida zavq bor-da! Bejizga Nasiba «Yangi avlod —



Hasan-Husan ijodda ham hamfikir.



Suratlar muallifi: ZUHRA

Maktabning ona tili va adabiyot fani o'qituvchisi Yulduz opa Ergashevaning shogirdlari har ishda ilg'or.

5-«A» sinf o'quvchisi Nasiba Baxtiyorovaning raqsdagi mahorati bar-

bolalar ijodiyot festivali-ning Respublika bosqichi ishtirokchisi bo'lmadi-da.

5-«A» sinf o'quvchisi Risolat Rahimjonova o'zbekcha raqslari bilan bir qatorda hindcha, eroncha, arabcha raqslarni ham maromiga yetkazadi. Sababi, u «Asal» raqs dastasi a'zosi.

7-«A» sinf o'quvchilari Hasan-Husanlar mahorat bobida tengsiz ekan, desak mublag'a bo'lmaydi. Hasan rasm chizishga, Husan esa she'rilar yozishga qiziqadi. Bu dargohda ilm olayotgan har bir o'quvchi o'z iqtidorini to'la namoyon etishga qodir. Zero, davlatimiz bugungi yoshlarga ishonadi. Ishonchni oqlash esa yuksak mas'uliyatdir.

MA'MURA, FERUZA

Toshkent viloyatining Qibray tumanidagi harbiy qismda O'zbekiston Respublikasi Qurolli Kuchlarining 20 yilligi oldidan madaniy-ma'rifiy tadbir o'tkazildi. Davrani qism komandirining harbiy ishlar bo'yicha muovini Elbek Mataliyev ochdi. O'zbekiston Yozuvchilar uyushmasi a'zosi, shoira Ziyoda Xo'janiyozova «O'zbekiston mustaqillikka erishish ostonasida» kitobi va uning mazmun-mohiyati haqida ma'ruza qildi.

Uchrashuv so'ngida Prezidentimizning «O'zbekiston mustaqillikka erishish ostonasida» kitobi hamda ijodkorning she'riy to'plami harbiylar kutubxonasiga taqdim etildi.

Dilshoda JO'RAYEVA

Mirobod tumanidagi 125-umumta'lim maktabida Toshkent shahar xalq ta'limi vazirligi hamda «Kamolot» yoshlar ijtimoiy harakati hamkorligida «Konstitutsiyamiz — baxtimiz poydevori» shiori ostida ko'rik-tanlov o'tkazildi. Tanlovda tumanning barcha maktablaridan g'olib o'quvchilar qatnashdilar.

Konstitutsiyamizning mazmun-mohiyatini ifoda etgan eng yaxshi rasmlar, plakatlari va chizmalar ko'rgazmaga qo'yildi. Davlatimizning asosiy qonuni haqidagi 15-20 daqiqalik videoroliklar tanlovi o'tkazildi. Konstitutsiyaning moddalaridan namunalar o'qildi. O'quvchilar tomonidan sahna ko'rinishlari, raqslar ijro etildi.

Ko'rik-tanlovda 1-o'rinni egallagan o'quvchilar shahar bosqichiga yo'llanma oldilar. Faol ishtirok etganlar «Faxriy yorliq» va esdalik sovg'alari bilan taqdirlandilar.

O'z muxbirimiz





KASHFIYOTCHILAR KERAK

Mirzo Ulug'bek bobongiz Galileydan ancha ilgari Yer o'z o'qi atrofida aylanishini isbotlab bergan edi. Abu Rayhon Beruniy sanskrit, fors, arab, ivrit, yunon va boshqa tillarni mukammal bilardi. U birinchi bo'lib dunyoning xaritasini, Yer shari nuxtasini yasagan edi. Ulug' olmon shoiri Gyote: «Sharqda yettita buyuk shoir bor. Ularning eng kuchlisi ham mendan ustun turadi», degan edi.

Shoir ham kashfiyotchi hisoblanadi. U shunday tuyg'ularni kashf etadiki, eng ilmdor olim ham bunday tuyg'ularning kaliitini topolmaydi. Siz yangi texnika o'ylab topuvchi ixtirochi bo'ling. Ko'ngil sirlarini kashf eting. Kashfiyotlaringizni bizga yuboring!

O'ZBEKISTONDA «HD» FORMATIDAGI TELEVIDENIYE



Bolalar! Siz bu to'g'rida eshitdingiz. Demak, Mustaqil Davlatlar Hamdo'stligi mamlakatlari orasida «HD» (High Definition) formatidagi televideniye loyihasi birinchi bo'lib O'zbekistonda — bizda amalga oshirildi. Efir vaqti 24 soat. Xo'sh, bu nima? «HDTV» eng so'nggi rusumdagi raqamli texnologiyalardan foydalanuvchi yuqori sifatli televideniye standartlari to'plamidir.

SHAHNOZA tayyorladi

Muzaffar AHMEDOV



Tahririyatimizga maktablarda o'tkaziladigan tadbirlarga taklif qilib, ustozlar tez-tez qo'ng'iroq qilib turadilar. Navbatdagi qo'ng'iroq poytaxtimizdagi 274-maktabdan bo'lganida, ushbu maskanda «Yaxshi o'g'il – el obro'si, yaxshi qiz – uy obro'si» deb nomlangan tadbir o'tkazilayotganidan xabar topdik.



ODOBNING BOSHI - XUSHAXLOQ

Faollar zaliga yig'ilgan mehmonlar va ustozlar 2-«Ye» sinf o'quvchilari tayyorlagan tarbiyaviy soatni maroq bilan tomosha qila boshlashdi. O'quvchilar «Odobning boshi – xushaxloq» ekanini ta'kidlab, «Toza ko'zaning suvi toza», «Toza uyda dard qolmas», «Pokliging – sog'lig'ing» kabi maqollarni sharhlab berishdi. Orasta qizlar soch turmaklash, hovli supurish, kiyinish odobi haqida so'zlab, chiroyli sahna ko'rinishlarini ijro etdilar. Bundan zavqlangan «Nuroni» jamg'armasi qoshidagi «Faol faxriy ayollar» guruhi a'zolari Muharram Muhiddinova, Mavluda Latipovalar «Ustozingizga ham, o'zingizga ham ofarin!» deya o'quvchilarni olqishlashdi. Qizaloqlar:

«Zar do'ppisi jiloli,
Qirg'okili tilloli,
O'z boshining qizlari,
O'zi shirin iboli», deya



Suratlar muallifi: OLOVUDDIN

kuylashganda, faollar zalini qarsaklar tutib ketdi.

«Oqtepa» mahallasi faoli Gulchehra Karimova «Bolani boshdan, qizni yoshdan o'rgat» deb bejiz aytilmaganini uqitirib o'tdilar. «Kiyimning kimligingni anglatadi», «Buvimning nasihatini», «Sochlari tolim-tolim»

mavzuidagi hayotiy voqealarni sahnada jonlantirgan Shahzoda Tolipova, Dilrabo Obidova, Otabek Yo'ldoshev kabi o'quvchilarga «Maqtov yorliq»lari topshirildi.

– Ushbu tadbirga boshlang'ich sinf o'qituvchisi Dilorom Mo'minovaning jiddiy tayyor-

garlik ko'rgani o'quvchilarning chiqishlaridan sezilib turibdi, – deydi maktab direktori Sayfulla aka Mahkamov. – Yosh bo'lishiga qaramay o'z ustida tinimsiz ishlab, o'quvchilar savodxonligini oshirayotgan bunday o'qituvchilarni maktabimiz faxri deb aytgim keladi.

Munisa Abdusattorova, 8-«Ye» sinf o'quvchisi, «Nihol» yosh qalamkashlar to'garagi a'zosi:

– 2-«Ye» sinf kichkintoylari bizni ham tadbirga taklif qilishganida, juda xursand bo'lib ketdik. Bilag'on, zukko uka va singillarimizning odob-u axloq qoidalarini ham o'rganayotganlari barchani quvontirdi.

Biz ham tadbirni ko'ngildagidek o'tkazib, biroz toliqqan o'g'il-qizlarga rahmatlar aytib, ular bilan xayrlashdik.

Gulyuz BAHODIR qizi,
o'z muxbirimiz

GUL-U G'UNCHAMAN



Mustaqil yurt bag'rida,
Quvnaib o'sgan qizchaman.
Chaman-chaman bog'larda,
O'sgan gul-u g'unchaman.

Dunyo ahli mahliyo,
Go'zal koshonalar bor.
Ko'rmaganlar armonda,
Sharqda tanho bu diyor.

Kamol topib bo'laylik,
Senga munosib avlod.
Temur bobom ruhini,
Doimo etaylik shod.

Munisa ABDUSATTOROVA



Poytaxtimizdagi «Barkamol avlod» Respublika bolalar texnik ijodiyoti markazida o'quvchi yoshlar o'rtasida «Xonada uchuvchi samolyot modellari» Respublika birinchiligi o'tkazildi. Musobaqaga yurtimizning turli viloyatlaridan tashrif buyurgan tengdoshlarimizning ayrimlarini suhbatga tortdik:

Shahboz BAFOYEV, Buxoro viloyati, G'ijduvon tumanidagi 66-Bolalar va o'smirlar sport maktabining 7-sinf o'quvchisi:
– Men viloyatimizdagi «Barkamol avlod» bolalar ijodiyot markazining aviamodel to'garigiga 3 yildan buyon qatnayman. To'garagimiz rahbari Shamsiddin aka Bafoyev aviamodellarning turlari, ularning yasashini qunt bilan o'rgatadilar.



Shahzoda VAFOXO'JAYEVA, Samarqand shahridagi 1-umumta'lim maktabining 7-sinf o'quvchisi:

– Texnikaga qiziqishim kuchligidan «Barkamol avlod» bolalar ijodiyot markazining aviamodelchilar to'garigiga a'zo bo'ldim. To'garagimiz rahbari Nikolay Mixailovich Jukov bilan birgalikda ko'plab aviamodellar yasadik. Respublika bosqichiga yo'llanmani qo'lga kiritishimda to'garak rahbarimizning hissasi katta bo'ldi.

Biz bu o'quvchilarning ustozlarini ham suhbatga tortdik:

– Markazdagi aviamodelchilar to'garigiga 20 nafardan ziyod bolalar qatnashadilar. Bu bolalarning tirishqoqligi, qiziquvchanligidanmi, ular bilan qancha ishlasam ham charchamayman, – deydi to'garak rahbari Abdunabi aka Hojiboyev.



Asliddin YUSUPOV, Buxoro viloyati, G'ijduvon tumanidagi 28-maktabning 8-sinf o'quvchisi:
– Bu musobaqada qatnashishdan maqsadim, albatta, Respublika bosqichi g'olibi bo'lish. Bo'sh vaqtlarimda qo'l to'pi sport to'garigiga ham qatnashaman. Yutuqlarimdan yaqinlarim g'ururlanib yurishsa, deymen.

Bu orada musobaqa yakunlanib, g'oliblar aniqlandi. Jamoalar bo'yicha:

1-o'rin – Buxoro viloyatiga, 2-o'rin – Samarqand viloyatiga, 3-o'rin esa Andijon viloyatiga berildi.

F-1-D modellari bo'yicha:

1-o'rin – Samarqand viloyati, Samarqand shahridagi 1-maktabning 6-sinf o'quvchisi Shahzoda Vafxo'jayevaga, 2-o'rin – Buxoro viloyati, G'ijduvon tumanidagi 28-maktabning 8-sinf o'quvchisi Asliddin Yusupovga, 3-o'rin – Toshkent shahri, Yunusobod tumanidagi 246-maktabning 9-sinf o'quvchisi Ravshan Mirzajonovga nasib etdi.

F-1-D-N rezina motorli modellar bo'yicha:

1-o'rinni – Buxoro viloyati, G'ijduvon tumanidagi 66-Bolalar va o'smirlar sport maktabining 7-sinf o'quvchisi Shahboz Bafoyev;

2-o'rinni – Samarqand viloyati, Samarqand shahridagi 5-maktabning 9-sinf o'quvchisi Akobir Sharipov;

3-o'rinni – Andijon viloyati, Andijon shahridagi 50-maktabning 4-sinf o'quvchisi Erkinboy To'ychiyev egalladilar. G'olib o'quvchilar Xalq ta'limi vazirligi tomonidan «Faxriy yorliq» hamda esdalik sovg'alari bilan taqdirlandilar.

Shuningdek, o'quvchilarning viloyat bosqichida g'olib bo'lib, Respublika bosqichiga yetib kelishlarida jonbozlik ko'rsatgan to'garak rahbarlari ham «Barkamol avlod» Respublika bolalar texnik ijodiyot markazining «Faxriy yorliq»lari hamda esdalik sovg'alari bilan taqdirlandilar.

Ozoda TURSUNBOYEVA.
Suratlar muallifi: Z.MUHSIMOVA



Alisher Pardayev,
Surxondaryo viloyati
xalq ta'limi
boshqarmasi boshlig'i

Termiziylar ulg'aygan vohaga qilgan safarimiz ham juda maroqli, mazmunli o'tdi. Ta'lim sohasidagi islohotlar, yangiliklar, qo'lga kiritilayotgan yutuqlar bilan qiziqdik. Bu xususda viloyat xalq ta'limi boshqarmasi boshlig'i Alisher Pardayev bizga quyidagilarni gapirib berdi:

javob qaytarishyapti. Fan olimpiadalarida qatnashib, viloyatimiz sharafigini munosib himoya qilib kelishyapti. 2010-2011-o'quv yilida o'tgan fan

tabi-2011» ko'rik-tanlovining Qashqadaryo viloyatida bo'lib o'tgan respublika bosqichida Termiz tumanidagi 16-maktab jamoasi ham ishtirok etdi.

bilan muntazam shug'ullanuvchilar 74139 nafarni tashkil etadi. Viloyat xalq ta'limi tizimida badiiy gimnastika, futbol, basketbol, yengil atletika,

TERMIZIYLAR ULG'AYGAN TUPROQ

– Viloyatimizda 852 ta umumiy o'rta ta'lim muassasari faoliyat ko'rsatayotgan bo'lib, ularda 379076 nafar o'g'il-qiz ta'lim-tarbiya olmoqda. Umumiy ta'lim muassasalarining 822 tasini umumiy o'rta ta'lim maktablari, 17 tasi Davlat ixtisoslashtirilgan umumta'lim maktab-internati, 5 tasi Davlat ixtisoslashtirilgan umumta'lim maktabi, 1 tasi Davlat ixtisoslashtirilgan umumta'lim majmuasi, 3 tasi futbolga ixtisoslashtirilgan maktab-internatlari, 2 tasini sanatoriya, 2 tasini maxsus maktab-internatlari tashkil qiladi. Bu maskanlarda o'z kasbining fidoyisi bo'lgan tajribali ustoz-muallimlar qo'lida tahsil olayotgan o'quvchilar uchun barcha sharoitlar yaratilgan. Ularning puxta bilim olishlari, sog'lom, barkamol ulg'ayishlari uchun imkoniyatlar bisyor.

Davlatimiz tomonidan ko'rsatilayotgan bunday g'amxo'rliklarga o'quvchilarimiz har sohada yutuqlari bilan munosib

olimpiadalarining II bosqichida o'quvchilarning ko'rsatkichlari 2009-2010-o'quv yiliga nisbatan 2,8 foiz o'sishiga erishildi. Fan olimpiadasining respublika bosqichida Boysun tumanidan 2 nafar, Uzun tumanidan 1 nafar o'quvchimiz muvaffaqiyatli ishtirok etib, ko'ksimizni tog' qilishdi.

Xalq ta'limi vazirligi Toshkentdagi Gyote instituti bilan hamkorlikda «Maktablar – kelajakdagi hamkorlar» dasturi doirasida Termiz shahridagi 15-ixtisoslashtirilgan maktab-internatda bo'lib o'tgan «Fit in Deutsch 1» va «Fit in Deutsch 2» sinov imtihonlarida g'olib bo'lgan maktab-internatining 3 nafar o'quvchisi Niyatullo Shug'ifa, Malika Xolmirzayeva, Asror Qulmamatov hamda nemis tili fani o'qituvchisi P.Abrikulov Germaniyada yozgi o'quvchilar kursida ishtirok etishdi.

Xalq ta'limi vazirligi tomonidan «Yilning eng yaxshi mak-

Mazkur «Kichik biznes va xususiy tadbirkorlik yili»da viloyatdagi mavjud maktab-gacha va umumiy o'rta ta'lim muassasalarida 16100 dona parranda parvarishlanmoqda. Ulardan 993,5 ming dona tuxum olindi. Ta'lim maskanlarida 805 bosh qoramol boqilmoqda. Olingan sut miqdori 741,6 tonnani tashkil etdi. Muassalar tomonidan 23,6 gektar yerda bog' barpo etildi. 57610 tup mevali daraxt ekildi. 33 gektar joyda sabzavot, 30,6 gektar joyda poliz, 48,8 gektar yerda kartoshka yetishtirildi.

Viloyatimizda bolalar sportini rivojlantirish, ayniqsa, qishloq joylarida o'quvchi-yoshlarni jismoniy tarbiya bilan shug'ullanishga ommaviy jalb etish borasida ham talaygina ibratli ishlar amalga oshirilyapti. Ta'lim muassasalarida 3282 nafar jismoniy tarbiya o'qituvchilari o'quvchilarga jismoniy tarbiya va sport yo'nalishida ta'lim-tarbiya berishyapti. Sport

tennis, kurash kabi 22 ta sport turi bo'yicha to'garaklar faoliyat olib bormoqda.

O'quvchi-yoshlarimizning kitobxonligi, gazetxonligi borasida ham ibratli ishlarimiz talaygina. Viloyat axborot-resurs markazidagi 104 mingdan ziyod nusxadagi bosma nashrlar hamda 5000 dan ortiq elektron kitoblar, lokal tarmog'iga ulangan kompyuterlar 15000 dan ziyod kitobxonlar ixtiyorida. Ayni kunlarda gazeta va jurnallarga obuna ishlari qizg'in olib borilmoqda. Barchamizning bolalikdagi sevimli nashrimiz «Tong yulduzi» gazetasiga ham obuna jarayoni avjida. Bu gazeta o'quvchilari soni qancha ko'p bo'lsa, biz mamnun bo'lamiz. Chunki u farzandlarimizning bo'sh vaqtlarini mazmunli o'tishiga xizmat qilibgina qolmay, bilimini, ma'naviyatini boyitadi, dunyoqarashini kengaytiradi, iqtidori va salohiyatini yuzaga chiqarishga xizmat qiladi.

O'z muxbirlarimiz

KIMYO FANIDAN TEST

1. O'zbekistonda aholi yashaydigan joylar qaysi qazilma boyliklari nomiga qo'yilgan?

- A) Buxoro viloyatidagi Gazli;
B) Farg'ona viloyatidagi Oltingurgurt;
D) A-B javoblari to'g'ri.

2. Quyosh ma'nosini beruvchi element nomini ayting.

- A) geliy;
B) vodorod;
D) kislorod.

3. Bug'ga aylangan suvning hajmi necha martaga kengayadi?

- A) 1700;
B) 700;
D) 100.

4. Inson oshqozonida qanday kislota bor?

- A) xlorid kislota;
B) sulfat kislota;
D) hech qanday kislota yo'q.

5. Kimyoda eng ko'p ishlatiladigan asbobning nomini ayting.

- A) probirka;
B) stakan;
D) qisqich.

Alisher ABDULLAJONOV

(Boshi o'tgan sonlarda)

2-saboq

Ikki do'st Ahmadjon bilan Dilshod ko'chaga chiqishdi-yu, yo'ldan o'tishda bahslashib qolishdi. Ahmadjon kuyib-pishib:

– O'taqolsang-chi bu yoqqa, – deb chap tomonga yursa, do'sti Dilshod o'jarlik qilib:

– O'ng tomondan yuramiz, – deb turib oldi, – Qara, mashinalar ham o'ng tomondan ketayaptiku, biz ham shu yoqdan yuramiz.

Aziz o'quvchilar, bilamizki, orangizda ana shu tengdoshlaringizga o'xshash o'quvchilar ko'p. Ular piyodalar yo'lkasi bo'lgan yoki bo'lmagan yo'llarda qanday harakatlanishni bilmaydi. Piyodalar yo'lkasi bo'lmagan yo'llarda piyodalar yo'lining chap tomondan bir qator bo'lib yurishlari zarur. Bunda ular old tomondan kelayotgan transportni ko'rib, hushyor bo'ladi. Transport haydovchisi ham ularni ko'rib, ehtiyot bo'ladi. Ko'pchilik bo'lib sayrga chiqilganda esa yo'lining o'ng tomondan to'rt qator bo'lib yurish mumkin. Bu holda

YO'LDAN O'TISH QOIDALARI



kolonnaning oldidagi boshlovchi va oxiridagi kuzatuvchi qo'llariga bayroqchalar ushlab olishlari kerak. Agar kolonna to'lganda yoki to'da harakat qilishi kerak bo'lsa, u holda boshlovchining qo'lida oq fonar, kuzatuvchining qo'lida qizil chiroq – fonar bo'lishi zarur.

Yo'llarda to'da bo'lib to'planib turish, o'yin o'ynash taqiqlanadi. Yo'lni kesib o'tayotganda, avval chap tomonga qarash lozim. Transport kelayotganiga ishonch hosil qilgach, ko'chani kesib o'tish lozim. Yo'lning qoq o'rtasiga maxsus ajratilgan xavfsizlik oroliga yetgach, ko'chani o'ng tomoni kuzatiladi. Transport kelayotgan bo'lsa, xavfsizlik orolida biroz turib, uni kuzating. O'ng tomondan transport kelayotganligiga ishonch hosil qilgach, ko'chani qolgan qismidan o'ting.

Yo'ldan o'tayotganda, doimo hushyor bo'ling!
Yo'l qoidasi – umr foydasi ekanligini unutmang!

(Davomi bor)

Tohir MULLABOYEV

FIKRIMIZNI CHARXLAYMIZ

Aziz o'quvehilar!

Fikrli bola har qachon o'ziga yo'l topadi, adashmaydi, olgan ilmini kerakli o'rinlarda sarflay biladi. Sizlar bilan shu to'g'rida fikr yuritish uchun yangi sahifa tashkil qildik. Mazkur sahifa har oyda ikki marta tayyorlanadi. O'qing, fikrlaringizni yozib yuboring!

Bir obro'li odam o'g'lini donolarga shogirdlikka beribdi. Bola ustozlari qo'lida turli fanlardan saboq olibdi, ya'ni jon kuydirib, unga ilm o'rgatibdilar. Nihoyat, bola ulg'ayib, saboqlar nihoyasiga yetibdi.

Otasi ustozlarining oldida uni sinab ko'rmoqchi bo'libdi va oltin uzugini yashirib, qo'limdagi nima, deb so'rabdi. O'g'li shu zahoti qalam-qog'oz olib, hisob-kitob qilibdi-da, qo'lingizda o'rtasi teshik narsa bor,

RIVOYAT



deya javob qilibdi.

Otasi xursand bo'libdi va: «Xo'sh, u nima ekan?» deb so'rabdi.

Bola: «Tegirmon toshi!», deb javob qilibdi.

Otasining jahli chiqib ketibdi: — Qanaqa befikr bolasan? Odamning qo'lga hech zamonda tegirmon toshi sig'adimi? — debdi jig'ibiyron bo'lib.

Zero, ilmga fikrlash orqali erishiladi.

Xullas, fikrlashda gap ko'p.

Qani, siz ham bir fikrlab ko'ring-chi?

1. Do'st kerakmi, oltin?

2. Nega hammadan avval salom berish kerak?

3. Ota o'tirgan uyning tomiga chiqish mumkin emas, deyishadi. Nega?

**Javoblaringiz
sahifamizda e'lon
qilinadi.**

Isroil NORQUVVAFOV:

— Men olis Surxondaryo viloyatidan kelib, Toshkent shahridagi harbiylashtirilgan maxsus maktab-internatining 5-«A» sinfida tahsil olayman. Maktabimiz rahbari Ansbab Sayidolimov, komandirlarim Ulug'bek va Jahongir akalardan yoshlikdanoq harbiy intizomga rioya qilish, sabr-bardoshli, matonatli bo'lish borasida saboq olmoqdaman. Barcha maktabdoshlarim birdek yaxshi ko'radigan ustozimiz Shoirsa opa Matrasulovaning dono o'g'itlari kundalik hayotimizda asqotib kelmoqda. Kelajakda Vatanga munosib posbon bo'lmoqchiman.



ODOBLI SO'ZLASH — INSON KO'RKI

Inson yaralibdiki, u yorug'likka, ilmga, ma'rifatga intilgan. Ma'rifatli insonlar ko'paygan jamiyatda esa taraqqiyot, rivojlanish kuchli bo'lgan. Azal-azaldan diyorimizda inson tarbiyasi, uning ma'naviy-ma'rifiy salohiyatini oshirishga ustuvor vazifa sifatida qaralgan. Darhaqiqat, bugun yurtimizda ta'lim-tarbiyaga, ma'naviyatga, ilm-fanga qaratilayotgan e'tibor katta. Buning natijasida yoshlarimizning bilim salohiyati oshib

bormoqda. Ma'naviyatning asosida esa yoshlarimizning odob-axloqi, muomala madaniyati yotadi. Ko'cha-ko'yda, jamoat transportlarida yig'it-qizlarimizning tilimizni buzib so'zlashi kishini g'ashini keltiradi. Ayniqsa, ba'zi talaba-o'quvchilarning baland ovoqda gapirishlari, turli haqoratimiz gaplarni aytishlari atrofda qilargacha qanchalik yomon ta'sir qilishini bir o'ylab ko'ring-a!

Ular ko'plab yutuqlarga erishayotgan, milliyatimiz, qadriyatlarimizga sodiqlik ruhida tarbiyalanayotgan, yurtning kelajagi uchun jon kuydirib bilim olayotgan tengqurlaridan o'rnak olishsa maqsadga muvofiq bo'lar edi.

Mavluda RAHIMOVA,
Toshkent moliya va iqtisodiyot kolleji o'qituvchisi



Umida ABDUAZIMOVA deydi:

— Madaniyatli qizlar ma'naviyati qanaqa kuylarni sevishi yoki did bilan kiyinishida emas, balki uy tutishi, mehmon kutishida ham namoyon bo'ladi. Shohona hovli-joyi bo'lsa-yu, bu go'zallik ramzi sifatida yashnab turmasa, unda yashaydigan qiz bolaning holiga voy! Siz, eng avvalo, o'z uyingizni tartibga keltirib oling. Aytaylik, muzlatgich mehmonxonada, chinni saqlaydigan javon hech qachon yotoqxonada turmaydi. Uy tutish madaniyati xonalarni to'g'ri jihozlashdan boshlanadi. Aks holda, ro'zg'or ishlarini bajarishda u xonadan bu xonaga yelib-yugurib charchaysiz. Zamonaviy uy jihozlari yoki qimmatbaho mebellar, gilam yoki billur idishlar did bilan joylanmasa, ozoda saqlanmasa, qadrini yo'qotadi. Farosatli qizlar bor bisotini ko'z-ko'zlab, javonga yelim idishlari, gul qog'ozlardan tortib, turli o'yinchoqlargacha qalashtirib tashlamaydi. Sandiq, ko'rpa-to'shaklar bugungi kunda uyning bezagi bo'lmay qoldi. Zarurat uchun foydalaniladigan bunday buyumlarni ham ko'zdan panaroqqa joylashtirish kerak.

QUYOSH

Nurga belanar olam,
Ko'kda ko'rinsa quyosh.
Eh, qandayin chiroyli,
Maysalar ko'zida yosh!

Qanday go'zal manzara,
Quyosh chiqish-botishi.
Oyning esa tog' bilan,
Quchoqlashib yotishi.

Mahbuba ABDULAZIZOVA,
Toshkent shahri, Yakkasariy tumanidagi 72-maktab o'quvchisi



O'QISHNI SEVING!

O'qish juda katta baxt,
Sharafli vazifadir.
Kitoblar-chi, misli taxt,
Bebaho xazinadir.
Mening ona yurtimda,
Barcha bola o'qiydi.
Vatan madhini kuylab,
She'r-u g'azal to'qiydi.

Fotima NORQULOVA,
poytaxtdagi 162-umumta'lim maktabining 4-«A» sinf o'quvchisi

QORBOBOGA

Xush kelyapsiz, Qorbobo,
Sovg'a qopi bor bobo.
Biz yig'ildik bayramga,
Kattagina ayvonga.

Archamiz atrofida,
Mazza qilib o'ynaymiz.
Siz keltirgan rang-barang
Sovg'alardan quvnamiz.

Dilbaroy PRIMOVA,
Uchtepa tumanidagi
296-umumta'lim maktabining
4-«A» sinf o'quvchisi



FIKRLAMOQ HAM SAN'AT

(Boshi o'tgan sonda)



Tengdoshlaringiz ijodi

Tahririyatimizga o'quvchilar ustozlari bilan tez-tez kelib turishlari odatiy holga aylangan.

– Poytaxtimizning Mirobod tumanidagi 214-maktab o'qituvchisi Nasiba Mirsoatovaman, – deya tanishtirdilar ustoz o'zlarini. – 28 yildirki, o'qituvchilik kasbini ardoqlab kelaman. Shu yillar davomida «Tong yulduzi» o'quvchilarning eng sevimli nashri ekanligiga amin bo'ldim. Obunachilari-miz soni 80 nafardan oshdi.

Quyida opaning qalamkash shogirdlari ijodidan namunalar havola qilyapmiz:

G'ALATI
TUSH

Bedana esa cho'lda,
Lapanglaydi o'ng-so'lga.
Lochin piyoda yurar,
Eshak bulutda turar.
Qag'-qag' deganda chumchuq,
Qarg'aga toshar uchug.

– U-u desa, – qaldirg'och,
Hayron bo'lar tilog'och.
Vijirlab sayrar ukki,
Eshitmay deya dakki.

Sakrab-sakrab dengizda,
Suzib borarkan chivin.
Bolalarni bildirmay,
Chaqib olarkan delfin.

Ishyoqmas chumolilar,
Ma'rab qo'yar har zamon.
Qo'zichoqlar donlarni,
Tinmay tashir in tomon.

G'ozlar derkan vaq-vaga,
Qo'shig'imiz shunaqa.
Maqtanib g'o-g'olaydi,
Tuxum qo'yib qurbaqa.

Axalteka otlari,
Dunyoning zo'r zotlari.
Yotar ekan yalpayib,
Qorinlari qappayib.

Begemot esa chopqir,
Ucharkan misli shamol.
Har qancha bo'lmang topqir,
Qolardingiz ko'rib lol.

Bu qandayin bo'ldi sir?
Bo'ldim-ku, tushga asir.
Voqealar ajoyib,
Shu taxlida g'aroyib.

Etarkan tinmay davom,
Nuqta qo'ydim men, tamom.
Yo'q-yo'q, shoshibman biroz,
Yoqqan bo'lsa juda soz.

Toping bo'lsa gar xato,
Sizlar uchun muammo.
Bo'lmas deymen tush asli,
Ko'rilgandir qish fasli!

(TAMOM)

Bahrom AKBAROV

QISH ERTAGI

Bir bor ekan, bir yo'q ekan, qalin o'rmonda shunday voqea sodir bo'lgan ekan:

O'rmondagi bir uychada quyoncha yashardi. U qishni juda yaxshi ko'rar, bu faslni orziqib kutar ekan. Qish kelishi bilan xushxabarni barcha jon-zotlarga aytib chiqarkan.

O'sha o'rmonda bir bo'ri ham yashar edi. U quyonchaning aksi bo'lib, qishni juda yomon ko'rar ekan. Bir kuni uning qorni surnay chala boshlabdi. Archazordan o'tib ketayotganda, quyonchalarning quvnoq ovozi eshitilirdi. Qarasa, ayiqcha, olmaxon va quyonchalar muzda uchishayotgan ekan. Bo'ri xursand bo'lib ketibdi va o'zini muzda uchayotgan jon-zotlarning ustiga tashlabdi. Muz qatlami yupqa bo'lgani uchun bo'rini ko'tara olmay yorilib ketibdi. Ochko'z va yalqov bo'ri muzdek suvga g'arq bo'libdi.

Qissadan hissa shuki, yomonlikning umri qisqa...



Sojida TO'RAXONOVA,
7-sinf o'quvchisi

ARAZLADI KIYIKCHA

Yaylovda bir kiyikcha,
Arazlabdi to'dadan.
Uzoqqa ketib qolib,
Adashibdi podadan.

Arazlagan kiyikcha,
Bir o'zi o'tlar edi.
Ketidan qolmay sherxon,
O'ljasin poylar edi.

Buni sezgan kiyikcha,
Chaqirdi onasini.
Ammo bexabar ona,
Tinglamas nolasini.

Shunda yirtqich sher kelib,
Unga hamla qilibdi.
Kiyikcha ayriliqning,
Yomonligin bilibdi.

Elyorбек NURIDDINOV,
7-«A» sinf o'quvchisi



(Davomi. Boshi o'tgan sonlarda)

– Hozir sahnaga otlar chiqadi. Ular chopganda taraqlamasin, deyishgan-da.

Bu orada tepada o'tirgan mashshoqlar birdaniga musiqa chalib yuborishdi. Shu zahoti sahnaga ikkita oppoq tulpor uchib chiqdi. Ularning ustiga qizil yopinchiq yopib, bezatilgan, boshlariga zarhal qalpoqlar kiydirilgan edi. Peppi ot desa jonini beradigan qiz

emasmi, tulporlarni ko'rib, chapak chalib yubordi. Otlar sahnani gir aylanib chop ketdilar. Saldan keyin uzun qamchi ushlagan sirk direktori ko'rindi. U o'rtada turib olib, qamchisini siltadi, tulporlar bir maromda sahnani aylanib chopishdi. Bir vaqt ikkala ot sahna chetidagi to'siqqa yaqinlashdi-yu, oyoqlarini ko'tarib, tomoshabinlarga

bir ot o'ynoqlab chiqdi. Uning ustida boshdan-oyoq ko'k shoyidan libos kiygan nozikkina, novcha bo'lyi qiz tik turardi. Qiz qo'lini ko'tardi va tabassum qilib, o'tirganlarni olqishladi. Ot esa do'ngalak sahnani aylanib chop boshladi.

Ot ikkinchi bor davra aylanib, Peppining ro'parasiga kelganda, u sakrab turdi-yu, lip etib otning ustiga qo'ndi. Odamlar qarsak chalib yuborishdi. Otdagi qiz Peppini turtib, yerga tushirmoqchi bo'ldi. Biroq, Peppi uni mahkam quchoqlab oldi va tomoshabinlarga qarab kulib qo'ydi. Bu manzarani kuzatib turgan direktorning rosa jahli chiqdi. U «Otni to'xtatdinglar», deb xizmatkorlariga baqirdi. Karmensita (o'yinchi qizning ismi shunaqa edi) irg'ib tushdi. Peppi ham noiloj otdan tushib, o'rniqa o'tirdi. Direktor unga barmog'ini o'q'talib o'dag'ayladi:

– Tomoshani rasvo qilding! Yo'qol mening sirkimdan, bezori!

(Davomi bor)

Sa'dulla SIYOYEV tarjimai

PEPPI UZUNPAYPOQ

Astrid LINDGREN, shved yozuvchisi



salom berdi. Peppi irg'ib turdi. Bir bedovning tuyog'ini ushlab, erkalatdi:

– E, salom, tulporgina! Mening ham sendek chiroyli otim bor. Bugun uning tug'ilgan kuni. Senga undan salom obkeldim.

Direktorga Peppining gapi yoqmadi. U qamchisini charsillatib havoda o'ynatdi. Uchqur otlar darrov to'siqdan oyoqlarini olib, tag'in sahna bo'ylab aylana boshladilar.

Tulporlar birin-ketin ichkariga kirib ketishdi. Zum o'tmay o'rta chiroyli



Yangi yil ham eshik qoqyapti. Hademay archa atrofida Yangi yil bayramlarini boshlab yuborasizlar-a? Archa atrofida bobongiz sizga baxshilar haqida so'zlab berganmi?

Qashqadaryolik O'rol bobo nabiralariga, hatto Qorbobo hamda Qorqizga ham bu yil ajoyib sovg'a tayyorlab qo'yibdilar. Biz bu sirdan voqif bo'lib, Yangi yil ostonasida ana shu kutilmagan sovg'ani sportsevar bolalarga tuhfa etmoqchimiz, ya'ni chiroqchilik Xoliyor polvon haqida turkum maqolalardan birini e'tiboringizga havola etmoqdamiz:

TO'DACHORBOG' KURASHI HAQIDA QO'SHIQ

Qarang, qizidi gurung, O'rol bobo so'ylaydi, kurashdan so'ylab turib, kelajakni o'ylaydi.

«Polvonlarni eshitib, nabiralar ruh olsin, miya sidan bekorch o'y-xayollar yo'qolsin. Or nima, g'urur nima, bilib o'ssin farzandlar, or bo'lmasa, elning orini qanday saqlar?!»

Xayolida shu o'ylar, bobo hikoya so'ylar. Nabiralar tinglaydi, to'lib-toshgandir o'ylar...

...Chiroqchining Ko'kdala elida bir avlod bor. «Qodir polvon avlodi» polvonlari ko'p bisiyor.

Qodir polvon zo'r polvon, bo'lgan mashhur rikobchi, Buxoro amirining chin polvoni, ishonchi.

Turkman-ug'afg'on elda dovrug'i ketgan uning, butun Turon zamini ta'rifi tutgan uning.

Shu polvonning nevarasini Xoliyor polvon deydi, u ham bobosi kabi g'olib bo'ldi ko'p yillar.

Ayniqsa, yoddan chiqmas, Dehqonoboddagi to'y, surxonlik Ziyod alpni tappa bosgandi, voy-bo'y!

– Aytib bering, bobojon, o'shanda nima bo'ldi?

Nabiralar qiziqib bobosiga tikildi.

Buvasi gap boshladi og'ziga nosni tashlab, xuddi kino ko'rganday iyak, soqolin qashlab:

– Unda sizlar dunyoda bor eding, saksoninchi yillarda Xoliyor polvon zo'r edi.

Uzun kelbat, keng yelka, bilaklari gurzidek, oyoqlari filnikidek, ko'zi shernikidek.

Tippa-tikka chiqar edi, pishqirardi ushlasha, raqib chalar, u chap berib, usul qo'llardi «qo'shsha».

Raqibi yerga qular, Xoliyor tushar ustidan, ehtiyot bo'lmaganni ketkazardi hushidan.

Buva nosin tuflab, choydan xo'pladi. Peshonasin qashlab, fikrin to'pladi.

– O'shanda Dehqonobodning savdo bo'limi boshlig'i katta to'y berdi. To'ylar ko'payib, olishlar ham qaynagan payt.

Gurung yaxshi... Dilbar gurgunglar yaxshi. Bejizga davraning to'rida o'tirmas baxshi.

Baxshi, u yaxshilikdan, ezgulikdan so'zlaydi. Mardlik, oriyat bor bo'lsin, deb bo'zlaydi. Baxshilarni tinglasang, qalbing poklanadi, yaxshi polvon tillarida zo'r ovoza bo'ladi. Galdir-guldur gurgungdan charchog'ing to'kiladi, fikrlar almashib, tafakkuring to'ladi.

Ayniqsa, to'rtta o'zbek yig'ilsa, mavzu kurash, gurgung bo'lar tong qadar, esga kelmaydi tarqash. Moziydan so'z ochilar, o'tganlar ham yodlanar, so'ylaganlar savobda, tinglaganlar shodlanar...

Bir kunda o'ntacha, balki undan ham ko'p to'ykurash bo'lar, Qashqadaryoning barcha tumanlaridan, Surxon-u Buxorodan alplar kelardi. To'ylarning ko'pligidan ba'zi kurashlar kunduzi, ba'zilari kechqurun bo'lar, tomosha to tonggacha davom etardi.

Dehqonobod chekka hudud, ko'pdir toshlari, tog'i, kurash-sevar qishlog'i bor,



To'dachorbog' qishlog'i... Keng maydonga joy qilingan, chiroqlar yoqilgan, kunduzgidek bo'lmasa-da, atrof ancha yorishgan. Surxon yeri bu tuman-ga chegaradoshdir asli. Alpomishdek polvonlari, ko'p bu elning bilsangiz.

O'sha kuni surxonliklar baxti kuldi, ochildi, Qashqadaryo polvonlarin yiqitib xursand bo'ldi. Boz ustiga, uchta «tovoq» surxonliklar qo'lida. Raqib kim deb g'olibona boqar Qashqa eliga. Bunday holat kimga yoqar, aytimg, kimga

yoqardi? Surxondaryo yigitlari burgut misol boqardi.

Shu pallada kelib qoldi Xoliyor polvon davraga, bakovulchi xabar topib bordi uning oldiga.

– Hoy, Xoliyor polvon, yaxshimisiz, zo'r misiz, Surxondaryo polvonlari bugun berdi dodimiz. Uchovida uchta tovoq, raqibini kutmoqda. Uchinchi tovoqqa chiqing, or ekan yomon narsa. Davrada ham turolmayman, alam qilar judayam, yiqilsangiz, yiqilarsiz, chiqing nima bo'lsayam!

Xoliyor polvonning yuziga qon yugurdi. Yuragi tez-tez urdi. Bakovulning cho'chibrog qapirayotganidan og'rindi. Qoni ko'pirdi.

– Polvon buva, olishsam, birinchi tovoqni olgani bilan olishaman.

– Hoy xaloyiq, quloq solinglar! Davrada birinchi tovoq polvonlari olishyapti. Birinchi tovoqni olgan surxondaryolik Ziyodulla polvonga o'zimning Chiroqchi elidan, ko'kdalalik Qodir polvonning nevarasi Xoliyor pahlavon talabgor bo'lib chiqdi.

Xullas, Ziyodulla polvon 25 metrlardan o'ynab-o'ynab keldi, kun omadi bo'lganiga quvna-b quvna-b keldi. Keldi-yu, shaxt ushlab, usul qilmoqchi bo'ldi. Xoliyor polvon mahkam turdi, Ziyodni ortga surdi. Ziyod polvon qo'lini bo'shata turib, «Polvon, mahkam turdingiz», degandek qarash qildi. Yana nimadir dedi.

Ikkinchi qo'lda u yana uzoqdan yugurib kelib, Xoliyorni chalmochi bo'ldi. Xoliyor polvon esa chap oyog'ini

orqaga tortib, bir lahzada o'ng oyog'i bilan Ziyodni chalib yubordi.

Ziyod polvon havoga muallaq ko'tarilib, bosh va oyog'i bir tekis bo'lib, uzunasiga yiqildi.

To'dachorboqqa yig'ilgan haloyiq qiyqirib yubordi:

– Halol! Halol!

Odamlar go'zal lahzadan mast bo'ldilar. Xoliyor polvon chiroyli usul bilan qashqadaryoliklarning orini olib berdi. Tomoshabinlar yugurib kelib, g'olib pahlavonni, ta'bir joiz bo'lsa, el xaloskorini olqishlay ketishdi. Uni ko'tarib olib, kimdir ko'zidan, kimdir yuzidan, kimdir sochidan, yana biri boshidan o'pa ketdi. Belbog'ini ham yechib oldilar, yaktagini ham yechib oldilar. «O'g'lim senday polvon bo'lsin», deb ko'zlariga surtib oldilar.

Hamma xursand, hamma shod, orli el dil xushlardi. Bu yoqda na'ra tortib, Ziyod yerni mushtlardi. Ust-boshi chang, alam zohir yuzida. Dedi: «Do'xtir, kurashamiz, kel hozirning o'zida. Bitta yangi mototsikl qo'yar ekan zotiga», talab soldi qayta boshdan kelib g'olib qoshiga.

Xoliyor polvon qat'iy turib, polvon qo'lini qisdi. Peshonasidan o'pib, uni bag'riga bosdi.

– Ziyodullajon, men zot uchun, mablag' uchun ushlashmayman. Ertaga kel, zot qo'ymasin, mayli, olishay sen bilan! Men bir kunda bir polvon bilan ikki- uch marta davraga chiqmayman, – Xoliyor polvon shunday dedi-yu, Ziyodni bag'riga tortdi. Or yomon-da, yiqilgan-chun, Ziyodning xo'righi ortdi.

Shu-shu Ziyodulla polvon Qashqadaryoga kelmadi. Boshqa kurashga ham chiqmadi...

Oradan bir oy o'tib, Ziyod polvonning tog'asi Xoliyor polvon Chiroqchiga keldi. Maqsadi, jiyanini yiqitgan adashi Xoliyor polvonni ko'rib, unga baho berish edi. Chiroqchilik Xoliyor polvon bilan uchrashganda, bahodirning chindan ham devqomat ekanligiga iqror bo'ldi: «O'zi palagida bor ekan-da», deya tan berdi, qaror berdi.

...Xoliyor polvon uzoq yillar elni shod ayladi, har bir o'zbek orzulaydi uningdek polvon farzand. U hozir ham Chiroqchining kurashiga mas'uldir, davralarda bakavullik ishi xalqqa ma'quldird.

Ey nabiram, niyat qildim, sen uningdek polvon bo'l, hech bo'lmasa, fidoyi bo'l, elga manzur inson bo'li! Bolajonlar, shu joyda hikoyamni to'xtatay, yaxshilardan o'rnak oling, so'zim muxtasar etay...

O'ROL boboning hikoyasini o'g'li Akmal ABDIYEV yozib oldi. Ma'mura MADRAHIMOVA oqqa ko'chirdi



O'ZINGIZ TOPING

Egizaklardirmiz biz,
Biri o'g'il, biri qiz.
Fotima-Husanmizmi,
Hasan-Zuhramizmi biz?

QISH G'AMINI
YOZDA YENG

Xalqimizda «Qish g'amini yozda yeng» degan o'rinni hikmat bor. Unga amal qilgan kishilar yozda gaz isitish pechlarini oqlaydilar, sozlaydilar, mo'rikonlarni qurumlardan tozalaydilar. Bu bejiz emas, albatta. Chunki qish tadorigini ko'rmagan inson aziyat chekib qolishi mumkin.

Vaholanki, sodir bo'layotgan yong'inlarning aksariyati isitish pechlaridagi nosozliklar natijasida kelib chiqyapti. Befarqlik – eng yomon illat. Ayrim hamyurtlarimizning gazli yoki elektr asboblariidan foydalanishda befarqlikka yo'l qo'yishlari natijasida ayanchli oqibatlar kelib chiqadi. O'chirilmasdan tashlangan sigareta, elektr simlaridagi qisqa tutashuv, yoniq holda qoldirilgan gaz plitasi ham yong'inga sabab bo'lib,

qancha ko'ngilsizliklarni boshlab kelishi mumkin. Bularning oldini olish uchun esa bizdan ko'p narsa talab qilinmaydi; biroz e'tiborli bo'lsak va bolalarga ham shuni o'rgatsak, bas!

Mo'min RISBEKOV,
Toshkent shahar, 12-XYOXO
kichik inspektori

Gazetamizning ziyrak, zukko muxlislari ushbu rasmlarni respublika ixtisoslashtirilgan san'at litseyining 1-«A» sinf o'quvchisi Mirodil Nig'matullayev chizgan, desak ishonmasliklari tayin. Ochig'i, avvaliga jajji bolakayning mana shunday rasmlar chizishiga biz ham ishonmagandik.



MIRODIL



O'g'lidagi tasviriy san'atga bo'lgan mehmni juda kichikligidan oq payqagan onasi Dildora-xon uni mazkur litseyga o'qishga berishga ahd qildi. Ustoz ko'rmagan shogird ming maqomga yo'rg'alar, deyishadi-ku, axir.



Mirodil qisqa fursatda sinfdagi eng a'lochi o'quvchilar safidan o'rinni oldi. Tirish-qoqligi, izlanuvchanligi bilan ustoz Sabohat opa Mahkamovanning ham e'tiborini qozondi.

O'zi hali juda kichik bo'lsa-da, Mirodilning kelajakdagi orzulari katta: dizayner-muhandis bo'laman, deydi, arxitektor bo'lib, chiroyli binolar qurib, O'zbekistonimizni yanada ko'rkam qilaman, deydi...

Biz nima ham derdik, Mirodilbek qaysi kasb egasi bo'lmasin, ota-onasiga munosib, yurt koriga yaraydigan inson bo'lib kamol topsin!

O'z muxbirimiz

Ingliz tili BMTning rasmiy ish yuritish tillaridan biri. Bu tilda Buyuk Britaniya, Irlandiya, Shimoliy Amerika, Avstraliya, Yangi Zelandiya, Osiyo va Afrikadagi ko'pgina mamlakatlarda so'zlashiladi. Bu tilda yer yuzidagi 500 mln.dan ziyod kishi gaplashadi. Umid qilamizki, Siz ham bu tilni katta qiziqish bilan o'rganasiz.

Shunday qilib, 1-mashg'ulotimizni boshlaymiz.

Ingliz tilini o'rganamiz

ENGLISH ALPHABET


Ingliz tilida 26 ta harf bor. Bular quyidagilar:

Aa [ei]	Bb [bi:]	Cc [si:]	Dd [di:]	Ee [i:]	Ff [ef]
Apple	Ball	Car	Dog	Elephant	Fish
Gg [dʒi:]	Hh [eitʃ]	Ii [ai]	Jj [dʒei]	Kk [kei]	Ll [el]
Girl	Hen	Iron	Jam	Kite	Lion
Mm [em]	Nn [en]	Oo [ou]	Pp [pi:]	Qq [kju:]	Rr [a:]
Mouse	Nuts	Owl	Pen	Quail	Rabbit
Ss [es]	Tt [ti:]	Uu [ju:]	Vv [vi:]	Ww [dʌblju:]	Xx [eks]
Squirrel	Tiger	Umbrella	Vegetables	Watch	Xylophone
Yy [wai]	Zz [zed]				
Yard	Zebra				

Ruknimizning bugungi mashg'ulotini
ustoz Risolat opa ISMOILOVA olib bordi

BILASIZMI?

Dunyoda har bir narsaning vazni mavjud. Hatto biz yashab turgan Yer sayyorasining ham og'irligi hisoblab chiqilgan. Olimlarning taxmin qilishlaricha, uning og'irligi 5,976 sekstillion tonnani tashkil etarkan.



Eng uzun muzligidir. Uning kengligi 64 km. bo'lib, uzunligi 400 km.ga teng.

Chilining Atakama cho'lida umuman yomg'ir yog'mas ekan. Qariyb 400 yil davomida bu yerda biror marta ham yomg'ir bo'lmagan.

Eng uzun muzlik esa G'arbiy Antraktidadagi Lambert



Muassislari:

O'zbekiston Matbuot va axborot agentligi,

O'zbekiston Respublikasi Xalq ta'limi vazirligi,

«KAMOLOT» yoshlar ijtimoiy harakati Markaziy Kengashi,

«SOG'LOM AVLOD UCHUN» hukumatga

qarashli bo'lmagan Xalqaro xayriya jamg'armasi.

BOSH MUHARRIR:
To'loqin HAYITOV

Dizaynerlar:
Fazliddin
SHOYODGOROV,
Olovuddin O'RIPOV
Rassom:
FeruZ MATYOQUBOV
Navbatchi:
Gulyuz ORIFJONOVA

Gazeta
O'zbekiston
Matbuot va
axborot
agentligida
0208-raqam
bilan 2007-yil
2-fevralda
ro'yxatdan
o'tgan.

TAHRIR HAY'ATI:
Svetlana INOMOVA,
Odina JAMOLDINOVA,
Jahongir MUSAYEV,
Jabbor RAZZOQOV,
Murtazo SULTONOV,
Feruza JALILOVA
(Bosh muharrir o'rinbosari),
Feruza ADILOVA
(mas'ul kotib),
Dilmurod RAHMATILAYEV,
Dilshoda DADAJONOVA

Manziliimiz:

Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail: tong1924@bk.ru
www.tongyulduzi.uz
Tel: 244-27-25, 244-63-08
Tel./faks:
(99871) 244-38-10

«O'zbekiston»
NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi. Shakli A-3,
2 bosma taboq.
ISSN 2010-6092
Adadi - 31014
Buyurtma N: J 3408